



Driver and Vehicle
Licensing Agency
Asiantaeth Trwyddedu
Gyrwyr a Cherbydau

INF212/1W

Sut i wneud cais am eich trwydded yrru ar ôl cael eich gwahardd am drosedd yfed a gyrru

Am fwy o wybodaeth ewch i www.direct.gov.uk/driverhealth



Rwyf wedi cael fy ngwahardd am drosedd yfed a gyrru. Sut ydw i'n cael fy nhrwydded yn ôl?

- Bydd yr hyn fydd raid i chi ei wneud yn dibynnu os ydych chi'n dod o fewn y categori Troseddwy'r Risg Uchel (HRO) ymhlith gyrrwyr yfed a gyrru a gafwyd yn euog.

Sut ydw i'n gwybod os ydw i'n dod o fewn y categori HRO?

Byddwch yn dod o fewn y categori HRO os ydych wedi cael:

- Un gwaharddiad rhag gyrru, neu wedi bod yn gyfrifol am gerbyd, pan oedd lefel alcohol yn y corff yn gyfartal i neu'n uwch na:
 - 87.5 microgram mewn 100 mililitr o anadl, neu
 - 200 miligram mewn 100 mililitr o waed, neu
 - 267.5 miligram mewn 100 mililitr o wrin
- Dau waharddiad o fewn cyfnod o ddeng mlynedd am fod dros y terfyn cyfreithiol, neu yn anghymwys i yrru oherwydd diod alcohol
- Un gwaharddiad am wrthod neu fethu rhoi sampl o anadl, gwaed neu wrin ar gyfer prawf.

Nid yw llysoedd yn otomatig yn eich hysbysu os ydych o fewn y categori HRO fel canlyniad i euogfarn yfed a gyrru.

Dydw i ddim yn HRO, sut ydw i'n cael fy nhrwydded yn ôl?

- Byddwn yn anfon ffurflen gais adnewyddu trwydded atoch 56 diwrnod cyn i'ch gwaharddiad ddod i ben.
- Os na fyddwch yn derbyn hon dylech lenwi ffurflen D1W 'Cais am drwydded yrru' y gellir ei harchebu o **www.direct.gov.uk/motoringforms** neu ganghennau o Swyddfa'r Post®.

Sylwer: Os cewch eich gwahardd eto am yfed a gyrru o fewn y 10 mlynedd nesaf, byddwch wedyn yn cael eich rhoi o fewn y categori HRO.

Rydw i o fewn y categori HRO, sut ydw i'n cael fy nhrwydded yn ôl?

Rhaid i bob gyrrwr sy'n dod o fewn y categori HRO fodloni ein meddygon ei fod yn abl yn feddygol i yrru cyn y caniateir iddo gael ei drwydded yrru yn ôl. Golyga hyn bod raid i bob HRO fynd drwy archwiliad meddygol, gan gynnwys profion gwaed.

- Byddwn yn anfon **y ffurflen gais angenrheidiol** atoch 90 diwrnod cyn y daw eich gwaharddiad i ben. Mae'n bwysig felly eich bod yn ein hysbysu o unrhyw newid cyfeiriad yn ystod cyfnod eich gwaharddiad.
- Bydd y 90 diwrnod fel arfer yn caniatáu digon o amser i gwblhau'r asesiad meddygol cyn y daw eich gwaharddiad i ben.
- Os na fyddwch wedi derbyn y ffurflenni cais dylech lenwi ffurflen D1W 'Cais am drwydded yrru' y gellir ei harchebu o **www.direct.gov.uk/motoringforms** neu o ganghennau o Swyddfa'r Post®.
- Bydd raid i chi fynd am archwiliad meddygol y bydd raid i chi dalu amdano.
- Os byddwch wedi derbyn eich trwydded yrru yn ôl cyn i'ch gwaharddiad ddod i ben ni fyddwch yn cael gyrru cyn y dyddiad cychwyn a ddangosir ar eich trwydded yrru.

Beth mae'r archwiliad meddygol yn ei olygu?

- Cwblhau holiadur meddygol am eich hanes meddygol perthnasol a'ch defnydd o alcohol
- Archwiliad corfforol
- Prawf wrin syml
- Profion gwaed

Byddwch fel arfer angen tynnu rhai o'ch dillad ar gyfer yr archwiliad corfforol.

Ni chewch drwydded yrru os fel canlyniad i'r asesiad meddygol:

- mae tystiolaeth o gamddefnydd parhaus ar alcohol o fewn y chwe mis diwethaf neu ddibyniaeth o fewn y 12 mis diwethaf; neu
- mae tystiolaeth o gamddefnydd neu ddibyniaeth parhaus ar hyn o bryd.

Mynnir hyn er mwyn sicrhau na fydd risg pellach i ddiogelwch y ffordd yn debygol oherwydd y posibilrwydd o ailadrodd yr un drosedd.



Os bydd gennych unrhyw amheuon ynghylch eich gallu i yrru, yn enwedig ynghylch unrhyw broblemau cysylltiedig ag alcohol, iechyd meddwl, cyffuriau neu unrhyw broblemau meddygol eraill dylech drafod y mater gyda'ch meddyg eich hun cyn i chi gyflwyno eich cais.

Efallai y bydd yn gwneud synnwyr i rai pobl ystyried gohirio'u cais nes y byddant yn hollol abl i fodloni safonau meddygol, gan y byddai angen archwiliad pellach ar unrhyw abnormalrwydd gwybyddus o fewn y broses a gallai hyn arwain at oedi anfon y drwydded yn ôl neu yn wir at wrthod caniatáu trwydded.

Rydw i wedi bod ar Gwrs Ailsefydlu yfed a gyrru. Fydd raid i mi hefyd gael archwiliad meddygol?

- Bydd, os byddwch yn dod o fewn categori HRO, bydd angen archwiliad meddygol. Mae'r broses HRO yn ofyniad cyfreithiol ar wahân i bob gyrrwr sydd wedi'i wahardd am y troseddau a restrir dros y ddalen.
- Bydd y cwtogiad yng nghyfnod y gwaharddiad i'r rheiny fydd wedi bod ar gwrs ailsefydlu ond yn caniatáu i yrrwr wneud cais am drwydded yn gynt na'r cyfnod gwaharddiad dechreuol a orfodwyd gan y Llys.
- Os bydd eich dedfryd wedi'i gwtogi efallai na fyddwch yn derbyn hysbysiad i wneud cais am eich trwydded oddi wrthym ni. Bydd angen llenwi D1W arnoch.



Beth ddylwn i wneud pe byddwn i'n symud tŷ yn ystod y cyfnod y byddwn i wedi fy ngwahardd rhag gyrru?

- Dylech roi manylion eich cyfeiriad newydd i ni fel eich bod yn derbyn eich ffurflenni cais am eich trwydded yrru pan ddaw eich gwaharddiad i ben.
- Gallwch ddefnyddio'r slip ateb ar gefn y daflen hon i'n hysbysu o newid cyfeiriad, neu
- Gallwch ffonio neu ysgrifennu atom gyda'ch manylion newydd.

Faint fydd raid i mi dalu i wneud cais am fy nhrwydded yrru?

- Bydd raid i chi dalu i'r meddyg i roi archwiliad meddygol i chi a thalu ffi weinyddol i DVLA am eich trwydded yrru.
- I gael y ffioedd trwyddedau gyrru mwyaf diweddar ewch i **www.direct.gov.uk/driving**
- Bydd meddygon fydd wedi'u cofrestru ar gyfer TAW hefyd yn codi TAW ar ben y ffi am yr archwiliad meddygol.

Cysylltiadau

Cyfeiriad: Grŵp Meddygol Gyrwyr
DVLA
Abertawe
SA99 1TU.

Rhif ffôn: 0870 240 0009

e-bost: **eftd@dvla.gsi.gov.uk**

Gwefan: **www.direct.gov.uk/driverhealth**

Defnyddiwch y slip ateb hwn i ddweud wrthym am y newid yn eich cyfeiriad.

Cyfenw: _____

Enwau Cyntaf: _____

Teitl (ee. Mr, Mrs, Dr) _____

Gwryw ☐ Benyw ☐

Dyddiad geni: _____

Cyfeiriad Blaenorol: _____

Cyfeiriad Newydd: _____

Rhif Gyrrwr (os yn wybyddus): _____

Llofnod _____

Dychwelwch i: **DVLA, Abertawe SA99 1AB**



